

UNIVERZITET U TUZLI
Ul. Dr. Tihomila Markovića br. 1
Broj: 01-69-JN-11/24
Tuzla, 03.06.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-69-JN-10/24 od 31.05.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

ODLUKU O IZBORU NAJPOVOLJNIJEG PONUĐAČA

I

U okončanom Otvorenom postupku javne nabavke Storage-a i nadogradnje postojećih servera, izabran je ponuđač "Neonetx" d.o.o. Tuzla, sa ponudenom ukupnom cijenom u iznosu od 99.998,00 KM bez PDV-a, odnosno 116.997,66 KM sa PDV-om, te se istom dodjeljuje ugovor o nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke je u ponudi uz Izjavu o ispunjenosti uslova iz člana 45. stav (2) tačka a) do d) Zakona o javnim nabavkama BiH dostavio dokaze/uvjerenja kojima je potvrdio vjerodostojnost date izjave, te po prijemu ove Odluke nema obavezu ponovnog dostavljanja iste.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke Storage-a i nadogradnje postojećih servera putem Otvorenog postupka javne nabavke broj: 01-69-JN-9/24 od 23.05.2024. godine, objavljenog na Portalu javnih nabavki, obavještenje broj: 795-1-1-44-3-62/24 od 30.04.2024. godine, a sažetak u „Službenim novinama BiH” broj: 30/24 od 07.05.2024. godine i WEB stranici Univerziteta.

Odobreni budžet za nabavku iznosi 100.000,00 KM (bez PDV-a).

U roku utvrđenom tenderskom dokumentacijom ponudu su dostavila dva ponuđača: „NEONETX“ d.o.o. Tuzla i „IMEL” d.o.o. Lukavac.

Analizom dostavljenih ponuda Komisija za javne nabavke ja u Zapisniku o pregledu i ocjeni ponuda konstatovala da je ponuđač „IMEL“ d.o.o. Lukavac ponudio opremu u skladu sa minimalnim karakteristikama navedenim u Obrascu za cijenu ponude (Aneks III), opisom predmeta nabavke i tehničkim specifikacijama opreme, ali je u dostavljenom katalogu propustio označiti stavku: "Napajanje i hlađenje" iz Tehničke specifikacije opreme za Sistem za skladištenje podataka (Storage). Ponuđač u dostavljenom katalogu nije potvrdio karakteristike ponudene stavke kako je traženo tačkom 3.7.2. pod c) Tenderske dokumentacije i time nije postupio prema zahtjevima iz tenderske dokumentacije.

Daljom analizom je utvrđeno da je ponuđač na stranama 134. do 136. ponude dostavio diplome za dva diplomirana inženjera elektrotehnike u skladu sa zahtjevima iz tenderske dokumentacije, ali je propustio dostaviti dokaz da su isti zaposleni ili angažovani kod navedenog ponuđača kako je traženo tačkom 3.7.2. pod f) tenderske dokumentacije, čime nije ispunio zahtjev ugovornog organa.

Nadalje, ponuđač „IMEL“ d.o.o. Lukavac je na strani 140. do 142. ponude dostavio važeći Microsoft certifikat na ime Amir Bašić, u skladu sa zahtjevom iz tenderske dokumentacije, ali je propustio dostaviti dokaz da je isti zaposlen ili angažovan kod navedenog ponuđača kako je traženo tačkom 3.7.2. pod h) tenderske dokumentacije, čime nije ispunio postavljeni zahtjev.

U skladu sa prethodno nevedenim Komisija je konstatovala da je ponuda ponuđača „IMEL“ d.o.o. Lukavac nepravilna i neprihvatljiva i kao takva se odbacuje.

- Cijeneći ponudu ponuđača “Neonetx” d.o.o. Tuzla u pogledu kvalificiranosti i ispunjavanja zahtjeva iz tehničke specifikacije opreme, te prema obliku, sadržaju i potpunosti, Komisija je utvrdila da je ponuda prihvatljiva u formalno-pravnom i tehničkom smislu, te shodno članu 4. stav (2) Pravilnika o uslovima i načinu korištenja e-aukcije (Službeni glasnik BiH broj 80/23) u slučaju prijema jedne prihvatljive ponude e-Aukcija nije zakazana.

Budući da je ponuda ponuđača “Neonetx” d.o.o. Tuzla prihvatljiva, da ispunjava sve postavljene zahtjeve u pogledu lične, profesionalne i tehničke sposobnosti i ima prihvatljivu ponudenu cijenu to je Komisija predložila da se navedenom ponuđaču dodijeli ugovor o javnoj nabavci.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-69-JN-10/24 od 31.05.2024. godine



DIREKTOR

ZA EKONOMSKE POSLOVE

Alden Osmanbegović, dipl.oec

DOSTAVITI:
1x učesnicima
1x WEB portal
1x a/a